

A NUORO

Nuoro est elegante ricca e bella
de fertiles campagnas circondada
gent'amabile cara cittadella
de gente ardimentosa populada,
Post'as su Redentore a Sentinella
in s'amena montagna sublimada
chi ti proteget e ti rende digna
scorfe de sas cittades de Sardigna.

2

Bell'est su panorama de Nuoro
cun su sou incantevole Ortobene ;
a sos tramontos dorados su coro
restat estasiada e pensat bene :
paret Apollo cun sas trizzas d'oro
carignende sa missa Melpomene
in s'Olimpu o in s'Eden logu santu
cittade de delizia e incantu.

3

Cherzo; a Defemus s'istatua fatta
Nuoro e che la ponzas in musco;
faghe s'eroe cun s'ispada tratta
che Pelide su fizu de Peleo;
ponelfaccantu a Bustiana Satta
cun sa lira sonante de Orfeo;
a Grazia Deledda insigna puru
in d'una monumentu imperituru.

SIENZA

1

Chimbighentos e deghe miliones
chilometros sa terra ha quadrados ,
cun duos miliardos de personas
circa pius de omnes creados ,
diversas rassas e religiones,
climes torridos fritos temperados
cun animales de ogni genia
e diferentes de fisonomia.

2

Galassias vagantes in s'aera
girende cun manera ispaventosa,
e i sa terra nostra passigera
fiza de un'antiga nebulosa
e de su sole s'infogada isfera
nos dat su motu e vida imperiosa,
e pustis tottu cantu s'esistenzia
sa vista e sa potente intelligenzia.

3

Han fattu sos satellites volantes
missiles bene perfezionados,
atomicas terribiles, tonantes;
e a canes sos coros imestados
e a zegos sos ojos palpitantes;
in sas orbites benin collocados
e sunu in chilca puru de olare
a sa luna cun manu a la togare.

A MARIA

1

O Vergine Maria
e Mamma de dolore
ch'in Ottieri ti faghen sa festa
pregali a su Messia
chi cesset su furore.
E sos mannos la timen sa tempesta .
su Medi'Oriente
chi torret sorridente;
servat de sos umanos sa protesta ,
Tue Maria faghe
chi tenzat custu mundu onore e paghe.

2

S'umana fratellanza
bisonzat de l'astringhere;
de nos poder cumprender in eternu:
Lassade s'ignoranza
s'ispada senza linghere
imbrattada de sambene fraternu;
tantu sa vida est cara
non fagheadas a gara
né s'unu né i s'ateru guvernu ;
e sas armas de gherra
ponidelas in piccos pro sa terra.

3

Lassade s'interessu
e tottu s'egoismu;
ogni cosa transitat in su mundu.
Amade su progressu
e foras s'egoismu;

pensade cun criteriu profundu :

it'est s'umanidade?

Un'a s'ateru frade

a faeddare francu, sardu e tundu.

Pensamus deo e tue

chi semus passiggeris che una nue.

Lidone